



Suí iomlánach

B9-0580/2021

29.11.2021

TAIRISCINT I gCOMHAIR RÚIN

de bhun Riail 143 de na Rialacha Nós Imeachta

maidir leis an staid ag teorainn na Bealarúise

**Tom Vandendriessche, Filip De Man, Roman Haider, Susanna Ceccardi,
Georg Mayer, Harald Vilimsky, Nicolaus Fest, Teuvo Hakkarainen,
Maximilian Krah, Gerolf Annemans, Mathilde Androuët, Laura
Huhtasaari**

Tairiscint i gcomhair rún ó Pharlaimint na hEorpa maidir leis an staid ag teorainn na Bealarúise

Tá Parlaimint na hEorpa,

- ag féachaint d'Airteagal 6 den Chonradh ar an Aontas Eorpach,
 - ag féachaint do Riail 143 dá Rialacha Nós Imeachta,
- A. de bhrí gur tharla níos mó ná 30 000 trasnú neamhdhleathach teorann ag teorainn AE leis an mBealarúis ó mhí Lúnasa 2021; de bhrí gur fhógair an Pholainn staid éigeandála ag an teorainn;
- B. de bhrí gur thionlaic an Bhealarúis, faoi cheannaireacht uathlathach Alexander Lukashenko, imircigh chuig teorainn AE, d'fhonn an imirce a úsáid mar chineál armáin i gcoinne AE; de bhrí gur úsáid Uachtaráin na Tuirce, Recep Tayyip Erdogan, straitéisí comhchosúla san am a chuaigh thart;
- C. de bhrí gur fhógair an Pholainn go mbeidh sé ar intinn aici balla teorann a thógáil; de bhrí gur rith parlaimint na Polainne reachtaíocht lena gceadaítear inimircigh a dhíbirt ar ais chuig an mBealarúis; de bhrí gur chán an Coimisiún an dá thionscnamh;
1. á chur i bhfáth go bhfuil imircigh á n-úsáid mar chineál armáin ag ceannaireacht uathlathach na Bealarúise agus na Tuirce i gcoinne AE; ag cáineadh na n-iarrachtaí díchobhsaitheacha sin go láidir;
 2. á chur in iúl go bhfuil sí ag tacú leis na Ballstáit agus iad ag daingniú theorainneacha seachtracha AE, agus iad ag comhlíonadh a n-oibleagáidí faoi na Conarthaí ar an gcaoi sin trí aon mhodh is gá;
 3. á iarraidh ar an gCoimisiún tacaíocht a thabhairt do na Ballstáit i ndáil le cosaint agus slándáil a dteorainneacha; á iarraidh ar an gCoimisiún cistí a chur ar fáil chun an sconsa teorann ar an teorainn idir an Pholainn agus an Bhealarúis a thógáil.